

इवनिंग डोगरी न्यूज बुलेटिन

समै .18:15 Hrs

<><><><><><>

Headlines

1. राष्ट्रपति द्रौपदी मुर्मू होरें अज्ज स्वच्छ सर्वेक्षण पुरस्कार भेंट कीते। इंदौर नै उप्परोतली 8में ब'रे सब्भनें शा साफ-सुथरे शैहरा दा अवार्ड हासल कीता जदके जम्मू गी नमें उभरा करदे स्वच्छ शैहें दी श्रेणी च 13मीं थाह हासल होई ऐ।
2. मुखमंत्रि ओमर अब्दुल्ला होरें आखेआ ऐ जे जम्मू दा एम्स अस्पताल, देसै दे सब्भनें शा बधिया अस्पतालें च शुमार होग।
3. रेल मंत्रालय नै जम्मू ते कटरा बश्कार इक बाद्दू नमीं रेल लाईन लेई सर्वेक्षण गी मंजूरी देई दिती ऐ।
4. इस ब'रे दी श्री अमरनाथ जी दी जातरा दरान बाबा बर्फानी देदरबार च मत्था टेकने आहलें दी गिनतरी ढाई लक्ख दे आंकड़े गी पार करी गई ऐ।
5. भारती फौजै, खराब मौसम करी बता फसे दे श्री अमरनाथ जी दे श्रद्धालुएं गी सुरक्षित बचाया ऐ।

<><><><><><>

Prez. Swachh Survekshan

इंदौर नै उप्परोतली 8में ब'रे भारत दे सब्भनें शा साफ-सुथरे शैहरा दा खिताब बरकरार रक्खेआ ऐ। केंद्र सरकार दे सलाना स्वच्छता सर्वेक्षण च सूरत दुई थाहरै पर रेया, जदके नवी मुम्बई त्रीये नम्बरै पर रेया ऐ। राष्ट्रपति द्रौपदी मुर्मू होरें स्वच्छ सर्वेक्षण 2024-25 दे 9में संस्करण दे पुरस्कार अज्ज नमीं दिल्ली च लोआए गेदे इक समारोह दरान भेंट कीते। इस मौके पर बोलदे होई राष्ट्रपति होरें आखेआ जे स्वच्छता, विकसित भारत 2047 दे विजन दा सब्भनें शा महत्वपूर्ण पैहलु ऐ। राष्ट्रपति द्रौपदी मुर्मू होरें इस मौके पर आखेआ।

3 लक्ख थवां लेइयै 10 लक्ख तगर दी आबादी आहले शैहरें दी श्रेणी च नोएडा सब्भनें शा साफ शैहर रेआ ऐ ते ओहदे बाद चंडीगढ़ ते मैसूर दी थाहर ऐ। 10 लक्ख शा मती आबादी आहले शैहरें दी श्रेणी च अहमदाबाद गी पैहली थाहर मिली ऐ। ध्यानजोग ऐ जे नमें उभरदे स्वच्छ शैहरें दी श्रेणी च जम्मू गी 13मीं थाहर हासल होई ऐ।

<><><><><><>

CM-AIIMS

मुख्यमंत्री उमर अब्दुल्ला होरें आखेआ ऐ जे उनेंगी भरोसा ऐ जे जेकर मुख्य भरै दे 22 एम्स गी दिक्खेआ जा तां जम्मू दे एम्स गी बेहतर इदारे च गिनेआ जागं इत्थे छड़े जम्मू-कश्मीर थवां गै मरीज नेई आवा रदे सगुआं गोआंडी राज्यें थवां बी मरीज ईलाज लेई आवा'रदे न। उनें आखेआ जे अजें शिड़क दा कम्म चला'रदा ऐ पर फीस बी मरीज इत्थे आवा'रदे न। उनें आखेआ।

<><><><><><>

Fls-Katra Rail line

जम्मू संभाग च संपर्क सुविधा च बाद्दा करने ते जात्रिएं दी सखाल लेई रेल मंत्रालय नै जम्मू ते श्री माता वैश्वो देवी कटड़ा बश्कार 77 इशारिया 9-6 किलोमीटर लम्मी इक बाद्दू नमी रेल लाईन लेई थाहर दे मुक्कदे सर्वेक्षण दी मंजूरी देई दिती ऐ। आकाशवाणी जम्मू दे संवाददाता दी रिपोर्ट मूजब सर्वेक्षण दे इस कम्मै गी अंदाजन कोई 12 करोड़ 59 लक्ख रुपें दी लागत कन्नै उत्तर रेलवे आसेआ तोढ़ चाढ़ेआ जाहग।

<><><><><><>

GoC-IIM

Indian Institute of Management-IIM Jammu दे MBA ते PHD students batch दे विद्यार्थिएं गी टाइगर डिविजन दे जीओसी होरें संबोधित कीता। अपने संबोधन च जीओसी होरें भारती सशस्त्र बलें दी उपलब्धिएं गी उजागर कीता, खास करी आपरेशन सिंदूर दौरान। जी.ओ.सी हुंदा एह बयान बहादुर सैनिकें गी श्रद्धांजलि ही, सगुआं भारतीय सशस्त्र बलें दी बहादुरी, दलेरी प्रति सम्मान बी ऐ हा। उनें एहदे राएं युवा विद्यार्थिएं गी बेहतर सबक दिता। जीओसी होरें विद्यार्थिएं गी Leadership lessons: Battlefield to corporate boardroom बारै प्रेरित बी कीता।

<><><><><><>

पुंछ दे राजा सुखदेव सिंह जिला अस्पताल च डॉक्टरें पूनम टंडन नांs दी इक महिला दे शरीर थवां छरें गी सफलतापूर्वक हटाया। पुंछ जिले च 2 महीने पैहले कब्जा रेखा कन्नै लगदे इलाकें च होई दी गोलाबारी च एह महिला घायल होई ही। पैळले इस महिला दे गंभीर जखमें दा ईलाज कीता गेआ ते फी हुन औहदे शरीर चा एह छरे कड़डे गे। डॉक्टरें आसेआ पूरे निरीक्षण मगरा उंदा एह ऑपरेशन कीता गेआ जेड़ा सफल रेआ। इस बारै होर जानकारी जिला अस्पताल दे मेडिकल सुप्रीटेंडेंट डॉ. शफीक होरें आखेआ।

<><><><><><>

Amarnath-Yatra

श्री अमरनाथ जी की पवित्र गुफा च अज्ज तकरीबन 5,110 श्रद्धालुएं मत्था टेकेआ। अजें तगर तकरीबन 2 लक्ख 51 जहार श्रद्धालु पवित्र गुफा च मत्था टेकी चुके दे न। एह जातरा 3 जुलाई गी शुरू होई ही। इस जातरा लेई मुख्य दे बक्ख-बक्ख हिस्से दे अलावा बाहरले मुख्य थमां बी श्रद्धालु औंदे न। इस जातरा गी लेइयै लोकें च खासा उत्साह ऐ। इस जातरा पर औने आहले श्रद्धालुएं जातरा लेई कीते गेदे इंतजामें ते सेवाएं दी सराहना कीती।

<><><><><><>

Army-Amarnath-Yatri's

जम्मू-कश्मीर दिएं उच्चिएं धारें पर लगातार बने दे खराब मौसम दे मददेनजर भारती फौज नै श्री अमरनाथ जात्रिएं की सुरक्षा जकीनी बनाने की अपनी बचनबद्धता गी इक बारी फी पक्का कीता ऐ। जंदे रोज संझा'लै तकरीबन सवा 7 बजे रायलपथरी ते बरारीमार्ग बश्कार जैड मोड़ थाहर लगातार बरखा करी ल्हास-पस्सियां पौने करी जातरा गी रोकना पेई गेआ ते खरी मती गिनतरी च श्रद्धालु बत फसी गे। एहदे मगरा तुरत हरकत च औंदे होई बरारीमार्ग च तैनात फौजी युनिट ने बता फसे दे 500 जात्रिएं गी अपने तम्बुएं च ठैहराने दा प्रबंध कीता। एहदे अलावा ल्हास-पस्सिएं की शैका आहली द'उं थाहें बश्कार फसे दे इक बड़े मते कसरी जातरी गी खराब मौसमी हालात दे बावजूद सुरक्षित बचाइयै रायलपथरी आंदा गेआ ते उत्थुआं उसी माहिराना इलाज लेई एम्बुलेंस दे राहें अगगे भेजी दिता गेआ।

<><><><><><>

Special-Screening

दिव्यांग लोकें लेई इक दिलै गी छूने आहली पैहलकदमी दे तैहत Composite Regional Centre जम्मू आसेआ Wave Mall च 'सितारे जमीन' पर फिल्म दस्सने आहले इक बशेश कार्यक्रम दा सरिस्ता कीता गेआ। बाहू विधानसभा हल्के थमां विधायक विक्रम रंधावा हुं'दे सहयोग कन्नै आयोजित करोआए गेदे इस कार्यक्रमै च 100 शा मते लोकें हिस्सा लैता जिंदे च CRC जम्मू दा अमला, लाभार्थी ते उन्दे माता-पिता बी शामिल हे। इस मौके पर प्रतिभागिएं गी संबोधित करदे होई विधायक विक्रम रंधावा होरें दिव्यांग लोकें दे कल्याण लेई अपनी बचनबद्धता गी पक्का कीता। उनें आखेआ।

इस मौके पर बोलदे होई CRC जम्मू दिएं डैरेक्टर डॉ. रोहनिका शर्मा होरें आखेआ।

<><><><><><>

किश्तवाड़ दे डिप्टी कमिशनर पंकज कुमार शर्मा ते आई.टी.आई प्रिंसीपल अनूप शर्मा होरें पन बिजली आहले प्रोजैक्टें करी प्रभावित होए दे परोआरें दे युवाएं लेई हुनर विकास सिखलाई कार्जक्रम दी शुरूआत कीती। एह कार्जक्रम आई.टी.आई किश्तवाड़ च शुरू होआ। एहदे च सखेत्रुएं गी मुफ्त इक बरे दी LOPA च सिखलाई दिती जाग। एहदे लेई 18 थवां बद्द युवाएं अपना पंजीकरण करोआया ऐ। इस दौरान उनेंगी मुफ्त रूट्टी, रौहने-बौहने दी स्थूलत, Stipends ते toolkits दित्तियां जाडन। इस बारे होर जानकारी दिंदे होई डिप्टी कमिशनर पंकज शर्मा होरें आखेआ।

<><><><><><>

KVK-Kishtwar

किश्तवाड़ दे कृषि विज्ञान केंद्र आसेआ मंजू गी लग्गने आहली बमारी थवां बचा ते प्रबंधन, फसलें दी पैदावार बदाने लेई छिड़काव ते करसानें दी आजीविका बारै इक सिखलाई सत्र दा सरिस्ता कीता गेआ। एह प्रोग्राम के.वी.के दे जत्नें दा गै हिस्सा ऐ जेदे राएं मूंजी दी पैदावार गी साईंसी ढंग्गै सिर बढ़ावा देने दे जत्न कीते जा'रदे न। कृषि विज्ञान केंद्र किश्तवाड़ टेकनालजी गी बढ़ावा देने, पैदावार गी बदाने ते मुनाफा वगैरा गी बढ़ावा देने लेई लगातार जत्न करा'रदा ऐ ते एहदे च महत्वै आहली भूमिका निभारदा ऐ। के.वी.के आसेआ जांच, करसानें गी सिखलाई, राई-बाई कन्नै जुड़ी दी महिलाएं ते युवाएं गी बढ़ावा दित्ता जा रदा ऐ। इस बारे जानकारी दिंदे होई किश्तवाड़ केवाईके प्रमुख डॉ. नरिंद्र पाल होरें आखेआ।

इस बारे होर जानकारी दिंदे होई किश्तवाड़ दे मुख राई-बाई अधिकारी कुशल चंदेल होरें आखेआ।

<><><><><><>